



Broj: 12-34-1743-1/18
Sarajevo, 20.09.2018.godine

Na osnovu člana 21. stav 1. Zakona o reviziji institucija u Federaciji Bosne i Hercegovine («Službene novine Federacije BiH», broj: 22/06), člana 40. Pravilnika o radu u Uredu za reviziju institucija u Federaciji Bosne i Hercegovine, broj: 09-02-1213-4/16 od 24.05.2017.godine-prečišćeni tekst, te Odluke Generalnog revizora Ureda za reviziju institucija u Federaciji Bosne i Hercegovine, broj: 12-34-1742-1/18 od 20.09.2018. godine, objavljuje se

JAVNI POZIV

Za prijem lica na stručno osposobljavanje bez zasnivanja radnog odnosa (volontera) u Ured za reviziju institucija u Federaciji Bosne i Hercegovine

U Uredu za reviziju institucija u Federaciji Bosne i Hercegovine primaju se volonteri sa visokom stručnom spremom, odnosno visokim obrazovanjem, koji nisu obavili volonterski ili pripravnički staž i koji se vode u evidenciji nezaposlenih osoba kod nadležne službe za zapošljavanje.

Prijem volontera vrši se na određeno vrijeme u trajanju od 1 godine radi stručnog osposobljavanja za samostalan rad, bez zasnivanja radnog odnosa.

Volonteri će obavljati poslove s ciljem osposobljavanja za samostalan rad u okviru svoje struke i sticanja radnog iskustva za polaganje stručnog (upravnog) odnosno javnog ispita.

Mjesto stručnog osposobljavanja je Sarajevo.

I. ZANIMANJE/STRUKA

1. **Diplomirani ekonomist-visoka stručna sprema –VII stepen stručne spreme, odnosno visoko obrazovanje po Bolonjskom sistemu studiranja koji se vrednuje sa najmanje 240 ECTS bodova-1 izvršilac**
2. **Diplomirani inženjer elektrotehnike (odsjek računarstvo i informatika) ili informatike - visoka stručna sprema-VII stepen stručne spreme, odnosno visoko obrazovanje po Bolonjskom sistemu studiranja koji se vrednuje sa najmanje 180 ECTS bodova-1 izvršilac.**

II. USLOVI:

Kandidat koji se prijavljuje na Javni poziv za stručno osposobljavanje bez zasnivanja radnog odnosa (volonter), potrebno je da ispunjava opće uvjete, propisane Zakonom o reviziji institucija u Federaciji Bosne i Hercegovine («Službene novine Federacije BiH», broj: 22/06) i člana 12. Pravilnika o radu u Uredu za reviziju institucija u Federaciji Bosne i Hercegovine, i to:

- a. da je državljanin Bosne i Hercegovine;
- b. da je stariji od 18 godina;
- c. da ima odgovarajuće obrazovne i stručne kvalifikacije;
- d. da je zdravstveno sposoban;
- e. da se protiv njega ne vodi krivični postupak, niti da je pravomoćno osuđen na kaznu zatvora za krivična djela sa izuzetkom krivičnih djela protiv sigurnosti u saobraćaju, u skladu sa Krivičnim zakonom;
- f. da nije obuhvaćen odredbama člana IX.1. Ustava Bosne i Hercegovine.

Pored općih uvjeta kandidat mora ispunjavati i posebne uvjete:

a. za poziciju 1. kandidat treba da ima: VSS-VII stepen stručne spreme, odnosno visoko obrazovanje po Bolonjskom sistemu studiranja sa najmanje ostvarenih 240 ECTS bodova, ekonomski fakultet; za poziciju 2. kandidat treba da ima: VSS-VII stepen stručne spreme, odnosno visoko obrazovanje po Bolonjskom sistemu studiranja sa najmanje ostvarenih 180 ECTS bodova, elektrotehnički fakultet-odsjek računarstvo i informatika ili informatički fakultet.

b. dokaz da kandidat nije bio zaposlen u zanimanju za koje se školovao, odnosno da nema radno iskustvo u zanimanju za koje se školovao, što dokazuje potvrdom-uvjerenjem PIO/MIO da nije registrovan u matičnoj evidenciji i potvrdom-uvjerenjem Porezne uprave o statusu kandidata.

c) aktivno poznavanje engleskog jezika.

III. POTREBNI DOKUMENTI

Kao dokaz da ispunjavaju opće i posebne uvjete kandidati su dužni priložiti orginale ili ovjerene fotokopije slijedećih dokumenata:

a. popunjen i svojeručno potpisan prijavni obrazac Ureda za reviziju institucija u Federaciji BiH koji se može dobiti u prostorijama Ureda za reviziju institucija u Federaciji BiH ili na web-stranici Ureda za reviziju institucija u Federaciji BiH, www.vrifbih.ba,

b. uvjerenje o državljanstvu BiH (ne starije od šest mjeseci),

c. izvod iz matične knjige rođenih,

d. ljekarsko uvjerenje o zdravstvenoj sposobnosti (ljekarsko uvjerenje o zdravstvenoj sposobnosti dostavljaju samo kandidati koji budu odlukom generalnog revizora izabrani. Izabrani kandidati uvjerenje o zdravstvenoj sposobnosti dostavljaju po okončanju procedure odabira po Javnom pozivu, a prije stupanja na stručno osposobljavanje),

e. uvjerenje da se protiv kandidata ne vodi krivični postupak izdato od nadležnog suda (ne starije od tri mjeseca), dostavljaju samo izabrani kandidati prije stupanja na stručno osposobljavanje,

f. uvjerenje da kandidat nije pravomoćno osuđen na kaznu zatvora za krivična djela sa izuzetkom krivičnih djela protiv sigurnosti u saobraćaju u skladu sa Krivičnim zakonom, izdato od nadležnog ministarstva unutrašnjih poslova, (ne starije od tri mjeseca), dostavljaju samo izabrani kandidati prije stupanja na stručno osposobljavanje,

g. izjava kandidata da nije obuhvaćen odredbama člana IX.1. Ustava Bosne i Hercegovine, ovjerena od strane nadležnog općinskog organa,

h. diploma o završenom studiju (original ili ovjerena fotokopija) ili uvjerenje o diplomiranju izdato od strane visokoškolske ustanove, ne starije od jedne godine od dana diplomiranja (original ili ovjerena fotokopija). Za kandidate koji su visoko obrazovanje stekli po Bolonjskom procesu uz univerzitetsku diplomu i dodatak diplomi. Izuzetno, samo u slučaju da visokoškolska ustanova dodatak diplomi nije uopšte izdavala niti za jednog diplomca, kandidat je dužan da uz ovjerenu univerzitetske diplome dostavi uvjerenje visokoškolske ustanove da dodatak diplomi nije uopšte izdat niti za jednog diplomca. Kandidati koji ne dostavljaju dodatak uz diplomu dužni su dostaviti dokaz o prosjeku ocjena.

U slučaju da fakultet nije završen u Bosni i Hercegovini, diploma mora biti nostrificirana (dokaz o nostrifikaciji-original ili ovjerena fotokopija). Kandidati dostavljaju kao dokaz:

- za poziciju 1. diploma o završenom studiju na ekonomskom fakultetu visoka stručna sprema ili završen najmanje prvi ciklus studija uz ostvarenih najmanje 240 ECTS bodova,
- za poziciju 2. diploma o završenom studiju na elektrotehničkom fakultetu-odsjek računarstvo i informatika ili informatičkom fakultetu, visoka stručna sprema ili završen najmanje prvi ciklus studija uz ostvarenih najmanje 180 ECTS bodova.

i. dokaz o aktivnom znanju engleskog jezika, najmanje nivo A2

j. potvrdu-uvjerenje PIO/MIO da nije registrovan u matičnoj evidenciji i potvrdu-uvjerenje Porezne uprave o statusu kandidata, kao dokaz da kandidat nema ostvaren radni staž, odnosno radno iskustvo, nakon završenog obrazovanja .

IV. Napomene:

Kandidati koji ispunjavaju uslove iz Javnog oglasa i koji su blagovremeno podnijeli urednu i kompletnu dokumentaciju uz prijavu na javni oglas biće pozvani na razgovor sa Komisijom za izbor. Proces prijema po ovom Javnom pozivu, provest će se u skladu sa internim aktima Ureda za reviziju.

Izabrani kandidat pozvat će se da u primjerenom roku, a prije početka stručnog osposobljavanja Uredu za reviziju, dostavi uvjerenje o zdravstvenoj sposobnosti, uvjerenje da se protiv kandidata ne vodi krivični postupak izdato od nadležnog suda (ne starije od tri mjeseca) i uvjerenje da kandidat nije pravomoćno osuđen na kaznu zatvora za krivična djela sa izuzetkom krivičnih djela protiv sigurnosti u saobraćaju u skladu sa Krivičnim zakonom, izdato od nadležnog ministarstva unutrašnjih poslova, (ne starije od tri mjeseca). O rezultatima javnog poziva kandidati će biti obaviješteni dostavom odluke o prijemu na stručno osposobljavanje bez zasnivanja radnog odnosa u Ured za reviziju.

Ako se na Javni poziv ne prijave osobe koje ispunjavaju propisane i objavljene uvjete iz javnog poziva, ili iz nekih drugih opravdanih razloga, generalni revizor može obustaviti postupak izbora po ovom javnom pozivu. Sažetak Javnog poziva se objavljuje u dnevnim novinama "Oslobođenje" i „ Večernji list“ a cjeloviti tekst Javnog poziva objavljuje se na web stranici Ureda za reviziju institucija u Federaciji BiH, www.vrifbih.ba

Prijavu na ovaj Javni poziv, sa svim potrebnim dokumentima dostaviti najkasnije u roku od 15 dana, od dana objave ovog Javnog poziva, lično ili preporučenom poštom, na adresu:

„Ured za reviziju institucija u Federaciji Bosne i Hercegovine“
Ulica Ložionička 3,
71000 Sarajevo

Na koverti sa prijavom obavezno naznačiti:

„Prijava na Javni poziv - ne otvarati“.

Na poleđini koverta navesti ime i prezime podnosioca, adresu i kontakt telefon.

Nepotpune, neuredne i neblagovremene prijave neće se razmatrati.

U skladu sa Zakonom o reviziji institucija u FBiH, Ured za reviziju nema obavezu vraćanja zaprimljenih prijava na Javni poziv.

URED ZA REVIZIJU INSTITUCIJA U FEDERACIJI BOSNE I HERCEGOVINE